

壽昌縣志

4

4

卷八

人物
上



壽昌縣志

人物志

太上立德次立功俎豆千秋何分窮達哉人物冠以鄉達
誰謂不宜忠義孝悌垂于令甲者代有其人其未入祠者
固至行光昭足以質鬼神而銘金石烏可不傳至樹望儒林
蜚英文苑流風餘韻學者奉爲典型仰止高山心嚮往之
矣若行爲世法則榮膺寵錫而旌義以傳道與時違則軒
冕泥塗而隱逸自適均足爲志乘光他如以宰官身卜宅
茲土子姓服疇食德累葉簪纓非所謂光遠而自他有耀
者歟孝貞節烈祠宇無存今無論已旌未旌悉心採訪以

俟上聞而耆行足以風世方伎藉以度人皆於世道人心
不無小補焉志人物第八

人物志上

鄉達

忠義

孝友

儒林

文苑

政績

宰官

志

鄉達

陳

董英文英氣風霜學古與堅峙土高山小書云

南朝

周文育一都港口人（南史）周文育字景德新安壽昌人姓

項氏名猛奴年十一能反覆遊水中數里跳高六尺宜興

人周薈爲壽昌浦口戍主見而奇之乃就其母請爲已子

及薈秩滿與之還都立名文育教之書計文育曰誰能學

此取富貴但有大槩耳乃教之騎射大悅司州刺史陳慶

之啟薈爲前軍主使薈將五百人往新蔡懸瓠慰勞白水蠻蠻謀執薈以入魏一日中戰數十合文育前鋒陷陣勇冠軍中薈戰死文育馳取其尸身被九創創愈辭請還葬會盧安興爲南江督護啓文育同行累征有功除南海令尋還都陳武帝之討侯景文育與杜僧明爲前軍剋蘭裕援歐陽顏皆有功武帝破蔡路養於南野文育爲路養所圍四面數重矢石雨下所乘馬死文育右手搏戰左手解鞍潰圍而出并力復進遂大敗之武帝乃表文育爲府司馬李遷仕據大臯文育頻戰遂擒遷仕武帝發自南康遣文育將兵五千開通江路侯景將王伯醜據豫章文育擊

言品
卷八
鄉達

走之遂據其城累功封東遷縣侯改封南移縣侯武帝以
侯瑱擁據江州命文育討之未剋會徐嗣徽引齊人渡江
據蕪湖詔文育還都時武帝拒嗣徽於白城適與文育會
將戰風急武帝曰矢不逆風文育曰事急矣當決之何用
古法抽槳上馬而進殺傷數百人頻戰有功最進爵壽昌
縣公給鼓吹一部尋以功授開府儀同三司及余公颺等
擾動南土武帝復遣文育討之豫章內史熊曇朗害之於
坐武帝聞之即日舉哀贈侍中司空諡曰忠愍天嘉二年
配享武帝廟庭子寶安嗣文育本族兄景曜因文育官至

新安太守

周寶安文育子（南史）寶安字安民年十餘歲便習騎射後折節讀書除吳興太守文育爲熊曇朗所害徵寶安還起爲猛烈將軍領其舊兵仍令南討文帝即位寄以心膂及平王琳頗有功周廸之破熊曇朗寶安南入窮其餘燼天嘉二年重拜吳興太守襲封壽昌縣公除給事黃門侍郎衛尉卿再遷左衛將軍卒諡曰成子碧嗣位晉陵定遠二郡

唐

李頻八都長汀源人（唐書藝文傳）李頻字德新睦州壽昌人少秀悟逮長廬西山多所記覽其屬詞於詩尤長與里

人方干善給事中姚合以詩名士多歸重頻走千里丐其
品題合見頻中流欲暮見湘烟之什大加獎異以女妻之
大中八年擢進士第調秘書郎爲南陵主簿判入等遷武
功令於時畿民多藉神策軍吏以其橫類假借不敢繩以
法頻至有神策士尙君慶通賦六年不送睥然出入閭里
頻密櫛比伍與競君慶叩縣庭頻卽械送獄盡條宿惡請
於尹殺之督所負無少貸豪猾大驚屏息奉法縣大治有
六門堰者頤廢百五十年歲饑發官廩傭民浚渠按故道
甌水溉田穀以大稔懿宗嘉之賜緋衣銀魚俄擢侍御史
守法不阿狗遷都官員外郎表丐建州刺史旣至以禮法

治下更布條教時朝政亂盜興相椎斂而建賴頻以安卒
於官喪歸父老相與扶柩葬永樂州爲立廟梨山歲祀之

按永樂鄉名卽今
永平鄉舊志文苑

宋

葉林縣郭東門人身長八尺膂力過人天禧中開武舉林得
魁選授殿前捲簾使時稱爲葉狀元後卒里人肖其像於
東嶽廟今名其所居曰狀元坊（葉譜林作淋）

胡楚材字公喬坊郭湖濱人明敏好學慶歷中登進士第授
儀眞判官累遷至校書郎數以剛直忤權貴遂退居有勸
之仕者答曰仕進易行道難仕而不得伸其志雖祿而有

愧於心君子不爲也卽默山構堂以琴酒棋釣自適善屬
文尤長於詩邑中佳山水皆有題咏落筆不類宋人

舊志
文苑

李俊字元英仁四都白下人少孤力學事母至孝登嘉祐八
年進士第授給事中熙寧六年從王韶取河州還賜袍帶
轉臨江太守郡中大饑發倉廩以濟僚吏請先聞俊曰人
饑且死何暇俟命而後發旣乃飛章自劾優詔褒美元豐
四年以疾卒官

鄭彥字季英一都龍溪人治春秋元祐中第進士乙科授崇
陽尉再任青田丞除眞州司戶居官以誠愛爲本所至勸
農興學召授宣義郎國子監丞彥父通景祐中第進士亦

任監丞人稱大小監丞云

胡國瑞一名彥嘉字嘉言七都人登崇寧二年進士第以博
洽稱大觀初預修九域志尋爲刪修官除史館編修時奔
競成風國瑞獨以在館爲樂不覲他官宣和間寇起鄉郡
命國瑞爲鄉導勦之南渡後累官至吏部侍郎與丞相秦
檜爲姻家而力排和議乞斬檜以謝天下聞者縮頸乞外
補知舒州致仕該郊恩讓其弟國士再郊復讓其兄儔而
後其子家居有贍士田鄉人以義坂名之臨歿有上高宗
遺表忠直之氣洋溢紙上

葉三省字景曾永平鄉六都人以太學生釋褐爲中書舍人

宣和中一歲五遷歷寺監幾遍遷尙書右司郎中建炎初扈從陞左司除起居郎權給事中以直龍圖閣知宣州丐祠用太后回鑾恩封遂安縣男紹興二十二年坐詆和議落職筠州居住尋再與祠復原封邑如故

童淑三都童源人身長八尺面如紫玉赤睛虎鬚有膂力能挽强弓宣和中從征方臘有功擢殿前將軍建炎初汪來一等寇亂閩越命淑討平之授江東路安撫使卒贈太尉葉義問字審言九都人登建炎二年進士第慷慨多大節甫筮仕即疏時相姦邪分教上饒護郡印輒發常平粟賑饑高宗器之擢侍御史紹興十九年爲吏部侍郎時宰相主

和議兵備寢弛義問請防海道守淮甸遣戍卒嚴斥堠練軍牧馬此六者今日急務猝行則不及預備則有餘尋除兼尙書陞樞密院同知使金還進知樞密院事金主亮南窺上命視師江淮御書義問到處如朕親行八字於旗以賜之遂有采石之捷孝宗即位封新安郡侯資政殿學士提舉洞霄宮義問雖居政府所得俸祿悉以周故人無資治第寓衢州庵舍以卒諡忠簡。

鄭穎字茂叔六都高橋人少遊太學有聲登嘉定十年進士第爲刑官執法平允會時相開邊薦參謀官知政事穎抗論政府非賞功之地事遂寢守嘉禾以理卿召言者沮之

且遣吏稽其在任出納吹毛索瘢竟無所得子疇爲大理評事時相以意嫉邊守下之獄必欲死之穎謂疇曰殺人以苟容如天理何疇奉法如父教竟以忤歸穎笑曰是足爲吾子矣穎自嘉禾歸闕一室號志齋遂不復仕

徐梅龜字臚叟仁和人性剛介工文詞舉筆立就以春秋魁鄉闈尋登第授廸功郎安豐軍霍邱縣尉端平三年蒙古兵犯境梅龜親率土人王鎔等築寨安陽諸山爲保障計境賴以安嘉熙元年蒙古兵又至梅龜以身先士卒敗其師俘獲甚衆二年春蒙古大舉入寇與戰失利顧謂其子尙古曰彼衆我寡我知之矣委質爲臣有死無二汝其

行乎尚古曰大人能死忠兒豈不能死孝轉戰益力至黃
家渡父子皆遇害淮西制置以聞梅龜贈宣教郎知霍邱
縣事官其子汲古進武校尉尚古贈承信郎官其子肅進
義校尉梅龜著有春秋指掌圖若干卷行於世

舊志
忠義

鄭琚字伯潤穎姪性明敏淳祐間登進士乙科景定中爲金
華尉以能稱咸淳十年遷安吉州司理參軍推情治獄人
無冤濫以疾歸創義倉建永平橋鄉人德之

鄭璫字伯壽穎子以父任補官通春秋領漕薦除大理寺評
事時權相嫉邊守王維中下之寺獄誣致於死璫不屈法
遂以忤歸景定間朝議高其節起爲大理寺正出守處州

除刑部郎中遷軍器少監倣范文正公義田法置仁壽庄以周宗族

傅崧之字宗山二都人刻志好學通詩書戴禮弱冠以兩經領鄉薦鄉人尊之號平齋先生咸淳四年與子明龍同登進士第而崧之爲榜眼授慶元觀察推官以內艱不赴服闋補平江觀察推官三司務殷多所咨決以勞瘁卒官士論惜之

元

周士顯字晦翁十三都巖下人宋漕貢進士德祐末元伯顏陷臨安裨將唆都至嚴州縱兵剽掠將至壽昌士顯與李

炎等迎之峻都大悅表爲本邑主簿後征閩有功陞授千

戶官

邵子俊字章甫八都人穎秀不羣習國書就試蒙古翰林院

歷沅江衢州二路蒙古教授轉杭州路司獄紹興路漕娥

鹽司除漳州路錄事陞寧國路宣城縣尹所至廉明溫厚

人多稱之

明

徐誼字宜叔政平坊人治春秋累舉不第明太祖定浙東召

見及太祖破陳友諒子理據武昌太祖自將圍之遣使分

徇湖北諸路誼作詩送之曰紅旗招颭壓滄溟鷁首帆風

上洞庭百萬生靈新撫納九重天語細丁寧猿啼山月灘
聲咽鼉吼江風水氣腥爲報湖湘諸將士漢家信誓重丹
綢青太祖見其詩賞之亦命之行尋知黃岡縣（徵獻錄）誼
知黃岡縣敦教化厚風俗鞭朴不施而租賦時入遇譴歸
洪武甲子復膺郡邑明經之薦授鎮江府知府胥吏畏服
帝每諭有司云汝等只效鎮江知府徐誼清廉幹辦豈不
美哉秩滿改授吉安府知府屬邑龍泉凋敝秋糧數年缺
額民有鬻妻子以償者誼出俸錢五百貫代償之以疾卒
於官郡人路祭巷哭送其柩歸者數千人

徐昇三都烏石人一云南浦人登洪武戊辰進士授監察御